

La junta de comun invarà ia ai pröms d'auri y ai pröms de novèmbor 2019 i proscimi pacli de mudaziuns dl plann urbanistich comun. Porchèl pól gní deponü domandes de mudaziun cina ai 29 de merz resp. cina ai 31 d'otobor tl ofize tecnich de comun. Domandes nia completes ne podará nia gní azetades.

Les iscriziuns ala Scora de musiga por l'ann de scora 2019/20 vègn tutes sö döt le mëis cina ai 29 de merz. I formulars é da ciapé tl secretariat dla Scora de Musiga a La Ila o sot a www.musikschule.it Por informaziuns 0471 847 748.

PLOANIES SAN MARTIN Y LUNGIARÜ

Le KVV dla Val Badia organisèia n iade de peregrinaje de 4 dis tl Piemont y tla Lombardia a vijité i "Monti Sacri" de Oropa, Varallo, Orta y Varese dai 6 ai 9 de ma. Le iade costa 500 €. Prenotaziuns tol sö cina ch'al é lerch Iaco Clement (tel. 0471/839772 o 339 62 57 779 o iaco_clement@libero.it). La prenotaziun vel do le paiamènt dl prisc sön le cunt IT 11 J 08010 58180 000302017300 Cassa Raiffeisen. Por avèi le program plü avisa telefonede al nr. o e-mail dá dant dessura. Al nes accompagna siur Degan y siur Franzl.

Invit ala oraziun do vocaziuns religiozes cun le vësko Ivo Muser en vëndres, ai 15 de merz, dales 19.00, tla dljia ploana da Bornech

Invit ala oraziun de Taizé che gnarà tignida en vëndres, ai 15 de merz dales 20.00 tla capela a Oies.

SAN MARTIN

Vigni pröma domènia dl mëis dai 3 de merz cina ala fin dla ann é dan mëssa la corona por vocaziuns religiozes cun i misters che é tla plata "rèi de oraziun".

Vigni mercui de Carsèma, é dales 18.00 les Staziuns te dljia.

En domènia, 17 de merz, do mëssa é la istruziun di èi tignida da mons. Francesco Sarego che zelebrara ince la gran mëssa.

LUNGIARÜ

Chi che n'à nia ciamò sciafiè da paiè ite le "contribut por le mone" é dèr bel periá da le paié söl cunt dla ploania da Lungiarü pro la cassa Raiffeisen IT 63K 08010 58830 000304004931. Da paiè é 8 euro porom y por i mituns dla elementara y dla scora mesana 3 euro porom. Bel dilan.

Le KVV da Lungiarü mèt a jí n curs de LnB Motion (ginastica por renforzé muscui y articulaziuns y prevegní artrosa, me de spiné, me ales sciabes, üfs, jenèdli, col) cun Marisa Clara. Dal 01 d'aurí inant vigni lönesc dales 20.00 ales 21.15 te palestra a Lungiarü. Prenotaziuns cina ai 27 de merz pro Marisa al numer 340 27 56 166.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

10.03. – 17.03.19 nr. 15

ultimo termo por comunicaziuns: jöbia dales 20.00
radio: 90,40 / 93,70

1ª DOMÈNIA IA DE CARSÈMA - C

Vangele do Lüca 4,1-13

Dailò ti à le malan dit a Gejú: Sce t'es le Fi de Dî, spo dì che chësta pera devèntes pan. Gejú ti à respognü: Al sta tla Scritöra: Le chestian ne vir nia mâ de pan.

Dailò l'à le malan condüt sön n crëp y ti à mostrè te n momènt düc i rëgns dla tera. Y al ti à dit: Döta la potënza y la gloria de chisc rëgns ôi te dè; cioèdich'ai m'é gnüs surandà a mé, y iö ti ai dà a chi ch'i ô. Sce te te pètes jö dan da mè y te m'adorëies, sarà döt to. Gejú à respognü: Dan dal Signur, to Dî, desste t'injenedlè y sorvi ël su.

Sön chëra l'à le malan condüt a Ierusalem, l'à metü sö insom le tēmpl y ti à dit: Sce t'es le Fi de Dî, sciürete jö da chilò; cioèdiche la Scritöra dij: Al comana sü agnui de ciarè de tè... Sëgn ti à Gejú respognü: La Scritöra dij: Te ne desses nia mëte le Signur, to Dî, ala proa.

Gejú sá che ciapé assá da mangé y avèi n gröm ne dá nia la contentèza ch'an oress inultima.

Al sá che gloria, renomansa y potënza n'é nia le tru che condüj ala vita, deache la contentèza y la vita é n ater che nes scinca y a chël podunse ti avèi crëta.

Gejú sá ch'an ne pó nia sforzé Chël Bel Dî da nes daidè vigni momènt tla manira ch'an oress. Porchèl n'ó Gejú nia mëte Idí ala proa.

Gejú se para cuntra la tentaziun

da miné da ester bugn da tó le destin dla vita instèsc tles mans.

Al sá che la fan plü sota se lascia ma destodé cun l'odlada sön Chël Bel Dî.

Al sá che la vita é ma da davagné sc'an la dá ia tl amur y tl sorvisc y confida te chël che tēgn döt te sües bunes mans.

Insciö resta Gejú fedel sides defrunt a Chël Bel Dî co ince a se instès cina söla crusc olach'al prëia: Pere, te tües mans surandái mi spirit.

Insciö nes á Gejú insigné da superé nia ma les pices proes mo ince les gran dificultés ch'i incuntun tla vita.



	SAN MARTIN	LUNGIARÜ	CARSÈMA
10.03.19 1^a DOMÈNIA DE CARSÈMA – C <i>dales 19.00 invièia les</i> <i>ciampanes da s'abiné</i> <i>ala oraziun tles ciases</i>	9.00 Les Staziuns 9.30 GRAN MÈSSA dla Comunité + siur Richard Sottara 14.30 Bato de Max Frenner 19.00 Funziun de Carsèma te familia	7.55 Les Staziuns 8.15 GRAN MÈSSA dla Comunité 19.00 Funziun de Carsèma te familia	CARSÈMA Signur Gejú, al á metü man la Carsèma che nes condüj ala zelebraziun de Pasca, de tüa mort y tüa ressureziun. Vigni ann danü ti pîteste a nosta fede chësc tēmp de grazia sciöche n'aisciöda nöia che renovèia les raise de nosta esistēza y nes dèida ciafé indò l'armonia pordüda. <i>Te nes insēgnēs</i> <i>coch'i sciafiun da varí nosc cör</i> <i>y cherié n bun raport cun Chël Bel Dî</i> <i>cun nos instēsc y cun i atri.</i>
11.03.19 Lönesc <i>Rosina, Ulrich</i>	14.10 Incuntada cun i Crejimanc 20.00 <i>Sentada dl'Unité Pastorala</i>	16.30 Les Staziuns 20.00 <i>Sentada dl'Unité Pastorala</i>	Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>
12.03.19 Dedolönesc <i>Nicodem, Beatrix</i>	15.30 Mèssa a Bioch por fam. Paul Planatscher, Preroman + Giuvani Sorá por les Animes dla Vijinanza	7.30 Zelebraziun dla Parora de Dî	Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>
13.03.19 Dedemesaledema <i>Iudita, Paulina, Leander</i>	18.00 Les Staziuns	7.30 Mèssa en onur de Santa Maria da Lourdes + Costantino Mischi ++ de Sepl Clara, Sanví	Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>
14.03.19 Jöbia <i>Matilda, Conrad</i>	7.30 Mèssa di scolar ++ maestri Tone y Monica Tolpeit + Pepi Dejaco Larjëi + Paola Gasser (dla Uniun) Corona por vocaziuns		Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>
15.03.19 Vëndres <i>Klemens M.H., Lucrezia</i>	18.30 Adoraziun chîta y confesciuns 19.00 Funziun de Carsèma	7.30 Mèssa vis y def. de Rita Zingerle Clara + Madalena Flatscher	Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>
16.03.19 Sabeda <i>Herbert, Damian, Ilare</i>	15.30 Mèssa tla Ciasa de Palsa 18.30 Mèssa prefestia + Pire Unterweger + Erika Psaiar + Pire Tavella	20.00 Mèssa prefestia dl ann ++ Giovanni y Herta Clara + Scimun Mischi	Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>
17.03.19 2^a DOMÈNIA DE CARSÈMA - C	9.00 Funziun de Carsèma 9.30 GRAN MÈSSA dla Comunité cun presentaziun di Crejimanc dedò Istruziun ai ëi tignida da mons. Francesco Sarego che zelebrará ince la gran mèssa	7.55 Les Staziuns 8.15 GRAN MÈSSA dla Comunité cun presentaziun di Crejimanc	Cun la oraziun nes invièieste da restabilí le raport cun Dî, nosc Pere, che é sciöche n vider tanfé sö da nostes mancianzes y ascuré da nostes infedeltés. <i>Cun le jaiun nes dèideste</i> <i>da varí nosta anima,</i> <i>pian ia da nosc corp,</i> <i>y da avèi fan y sèi</i> <i>do ci che cunta veramēter.</i>